

永興縣志卷四十一

知永興縣事呂鳳藻主修

隱逸志

上有堯舜下有巢由士各有志不能相強其高風遠致有足廉頑立懦而使人興起者非徒膏肓泉石痼疾烟霞也若來北山之移文而借終南爲仕宦捷徑品斯陋矣

明

以前無考

周文炎性誠篤口無妄言幼勤於學通書經兼善楷書景泰間給事中焦啟良以賢良方正舉

永興縣志

卷之四十一 隱逸

一

知縣周濠以經明行修薦皆辭弗就後爲社學教讀幾三十年訓誨有方童蒙賴以成者不少鄉里呼爲周先生

許叔初字克中倜儻有大志任鶴慶府通判著廉能聲三年卽請老歸林放懷吟賞不入城市

國朝

黃茂菊博學力行慷慨多大節前閣部洪經畧辟爲幕府參贊軍務招撫流亡有功欲表授官職固辭不受謝歸林下結草爲廬淡於勢利嘯歌自如雅愛山水以時遊覽自號爲逍遙散人

曹智達少習詩書多智慧家貧力苦奉養寡母
甘旨無少缺居深山中足跡不入城市卽里閭
閒偶聞人聲喧雜必由僻道避去其高潔絕俗
類如此

羅徽俊賦質誠樸不事浮靡服勞力耕以養父
母至頭白未入邑城里人稱爲長者

鄧林藻居家孝友潔己自好前任黃令以匾旌
其門曰高名碩德

王文茂爲人誠樸居心長厚邑人屢舉鄉飲力
辭再三前任周令以匾旌曰盛世耆英

永興縣志

卷之四十一

隱逸

二

李光珏幼習詩書老耽山水絕跡不入城市直
樸甯靜有古君子風

李宗灝少業儒喜爲詩居上彥洞與耒陽接壤
杜少陵墓在焉距南亭王祖瑩又相邇以故常
往來其閒日三復少陵遺集得其真傳居家尤
孝友勤樸爲族黨所矜式

曹士康友愛兄弟分產獨擇其瘠且遠者爲學
喜經濟之書住小源絕跡不入城市

曾亦汲鴻臚少卿孫性廉介甫成童父使就傅
汲問曰讀書何爲父曰以明理義取功名也對

曰得功名必宦遊獨子將安用之若明理義在
庭講誦足矣奚必外就由是事養無違父母沒
終制後一壺一卷徜徉山水以自適

廖桂生讀書自愛值兩兄外貿折本尋歸又相
繼亡遂無功名念偕妻曹氏以甘旨奉親生事
葬祭悉如法乾隆庚午邑被火延燒百餘家所
居獨否邑令張深嘉獎之後續修邑志人舉其
孝固辭州牧高其品額之曰九仙舊侶